

ՆՐԱ ԱՆՑԱԾ ՃԱՆԱՊԱՐՀԸ

(Ն. Մարությանյանի ծննդյան 80-ամյակի առթիվ)



Լրացավ պատմաբան և հրապարակախոս Նորայր Բագրատի Մարությանի ծննդյան 80-ամյակը: Պատմական գիտությունների դոկտոր Նորայր Մարությանը ծնվել է 1935 թ. մայիսի 1-ին Խորհրդային Հայաստանի Գորիսի շրջանի Տեղ գյուղում: Գյուղի միջնակարգ դպրոցն ավարտելուց հետո 1953 թ. ընդունվել և 1958 թ. ավարտել է Երևանի պետական լսարանի պատմության ֆակուլտետը: 1958-1962 թթ. աշխատել է հանրապետության կոմերիտական մարմիններում, այնուհետև որպես ՀԽՍՀ նախարարների խորհրդին առընթեր հեռուստառադիոպետկոմի ռադիո-հաղորդումների պրոպագանդայի խմբագրության ավագ խմբագիր: 1963 թ. Մարությանյանն ընդունվել է ՀԽՍՀ ԳԱ

պատմության ինստիտուտի ասպիրանտուրան (գիտական դեկավարն էր Աշոտ Հովհաննիսյանը): Այն ավարտելուց հետո, մինչև 1970 թ. աշխատել է նույն ինստիտուտում, սկզբում՝ որպես կրտսեր, այնուհետև՝ ավագ գիտաշխատող: Այդ տարիներին նա հրատարակում է պատմության վերաբերյալ բազմաթիվ գիտական հոդվածներ: Հատկապես գիտական հասարակության ուշադրությանն է արժանանում «Պատմագրության մեջ Ներսես Աշտարակեցու գործունեության գնահատման հարցի շուրջ» հոդվածը, որը խորհրդահայ պատմագրության մեջ XIX դ. առաջին երեսնամյակի հայ ազատագրական շարժման նշանավոր գործչի վերաբերյալ առաջին գիտական հրապարակումն էր: 1968 թ. Մարությանը պաշտպանում է «Արևելյան Հայաստանի Ռուսաստանին միացման պրոբլեմը մինչհեղափոխական հայ պատմագրության մեջ» թեմայով թեկնածուականատենախոսությունը, որը, որպես մենագրություն, Աշ. Հովհաննիսյանի խմբագրությամբ, լույս է տեսնում 1971 թ.: 1970-1986 թթ. Ն. Մարությանյանն աշխատում է որպես «Խորհրդային Հայաստան» օրաթերթի խմբագրի առաջին տեղակալ: Նա մեծ ջանքեր է գործադրել հանրապետության առաջատար թերթի գաղափարական և ազգային ուղղվածությունն ապահովելու, թեմատիկան արդիականացնելու ասպարեզում: ՀԽՍՀ

Գերագույն խորհրդի նախագահության 1985 թ. մայիսի 13-ի հրամանագրով «Ժուռնալիստիկայի բնագավառում կատարած բազմամյա ակտիվ աշխատանքի համար և ծննդյան 50-ամյակի կապակցությամբ» Ն. Մարութանյանը պարգևատրվում է Գերագույն խորհրդի պատվոգրով: Այսօր էլ իրենց արդիականությունը չեն կորցրել «Խորհրդային Հայաստան» թերթում տասնամյակներ առաջ տպագրված՝ «Միոնիզմի և պանթուրքիզմի դաշինքը», «Պատմության դասերն ընդդեմ նենգափոխության», «Ցեղասպանության կեղծարարները պատմության դատաստանի առաջ», «Հեղափոխական Ռուսաստանը և հայ հասարակական միտքը» և բազում այլ հոդվածներ:

1980-1991 թթ. Ն. Մարութանյանը վարել է «Հայ գիրք» հանրապետական վարչության գլխավոր տնօրենի պաշտոնը: Ավելի քան երկու տասնամյակ աշխատելով մամուլում և «Հայ գիրք» վարչությունում՝ Մարութանյանը չի թողել գիտական ասպարեզը: Այդ տարիներին նա գիտական հոդվածներ է տպագրել հանրապետության առաջատար պարբերականներում: 1980-ական թվականներին լույս տեսան նրա՝ «Ստ. Շահումյանի պատմագիտական հայացքները» և «Միոնիզմի իսկական դեմքը» գրքույկները: Ստեփան Շահումյանի մասին իր ուսումնասիրության մեջ հեղինակը ցույց տվեց, որ հայ ժողովրդի պատմական անցյալի այլևայլ երևույթների, համաշխարհային տարբեր անցքերի, անդրկովկասյան և ռուսական իրականության զանազան իրադարձությունների՝ Շահումյանի խորաթափանց և պատմականության դիրքերից տրված դիպուկ գնահատականներն անանց մտավոր արժեքներ են:

«Միոնիզմի իսկական դեմքը» գրքույկը խորհրդային ժամանակաշրջանում առաջին հայերեն հրատարակությունն էր, որտեղ ցույց էր տրվում, որ սիոնիստներն իրենց շարժման քաղաքական նպատակների համար եռանդուն ջանքեր էին գործադրում Հայկական հարցը մանրադրամ դարձնելու թուրք-սիոնիստական հարաբերությունների շուկայում: Եվ դա նրանց հաջողվեց հատկապես երիտթուրքերի հետ շփումների, Հայոց ցեղասպանության իրագործման նախօրյակին և ընթացքում:

Ն. Մարութանյանը 1991-1993 թթ. աշխատել է որպես ՀՀ ԳԱԱ պատմության և տնտեսագիտության բաժանմունքի գիտական քարտուղար, իսկ դրանից հետո մինչև օրս աշխատում է Պատմության ինստիտուտում՝ որպես առաջատար գիտաշխատող: 1997 թ. պատմության ինստիտուտի գիտխորհրդի որոշմամբ լույս է տեսնում Ն. Մարութանյանի «Հայկական հարցը մինչխորհրդային հայ հասարակական-քաղաքական մտքի և պատմագրության մեջ» աշխատությունը, որը հաջորդ տարում պաշտպանվում է որպես դոկտորական ատենախոսություն: Նույն թվականին հրատարակվեց Ն. Մարութանյանի «Լեոն և Հայկական հարցը» գրքույկը, 2008 թ.

լույս տեսավ «Ալեքսեյ Ջիվելեգովը որպես պատմաբան և Հայկական հարցը» մենագրությունը:

Մարուխանյան պատմաբանի նախասիրություններում ընդհանրապես առաջնային բնագծում են պատմագրությունն ու պատմահրապարակախոսությունը: Այս տեսակետից ուզում ենք ընդգծել, որ մինչխորհրդային հայ պատմագրության մեջ Արևելյան Հայաստանի՝ Ռուսաստանին միացման և Հայկական հարցի պատմությանը նվիրված ուսումնասիրություններում՝ Մարուխանյանն անդրադարձել է նշանավոր բոլոր հեղինակություններին՝ պատմաբաններ, գրողներ, հասարակական-քաղաքական հայտնի դեմքեր, երևելի եկեղեցական գործիչներ, և վերլուծելով նրանց հայեցակետը՝ ստեղծել է ուշագրավ, կուսակցական գաղափարականացումից վեր կանգնած, ժողովրդի համագգային խնդիրներից բխող և պատմագիտության առաջընթացի պահանջներին ընդառաջող ձևակերպումներ, որոնք ժխտում են դոգմատիզմն ու պատեհապաշտությունը: Հասարակական-քաղաքական խորթ երևույթների ու բարքերի դեմ անգիջում ու մարտնչող է Ն. Մարուխանյանի հրապարակախոսությունը: ԽՍՀՄ կազմալուծումից հետո քաջնագարական սլացքով Հայաստանի Երրորդ հանրապետությանը տիրացած Հայոց համագգային շարժման դեկավարության վարած կործանարար քաղաքականության վերաբերյալ 1992 թ. սկզբից հանրապետական ընդդիմադիր մամուլում Ն. Մարուխանյանի տպագրած հրապարակախոսական հոդվածները հետամուտ էին քաղաքական և բարոյական վայրընթացների կանխմանը նպաստելուն: Այդպիսիք էին նրա՝ «Հայաստանը «թուրքական հրաշքի» ցուլի տակ», «Ավետիք Բսահակյանը հրամայում է», «Խ. Աբովյանի խանդավառ երգը և մշտամնա վերքը», «Քաղաքական արկածախնդիրը ազգային գաղափարախոսի դերում», «Ազգակործան աննախընթաց արտագաղթը», «Մտքի պատմաբանը և պայքարի պատմությունը», «Թուրքիայի կովկասյան հանձնարարականները երեկ և այսօր» և այլ հրապարակումներ:

Լինելով XX դ. վերջին երեսնամյակի և ընթացիկ դարասկզբի հասարակական-քաղաքական իրադարձությունների զգայուն ժամանակակիցը, խորհրդային և հետխորհրդային հայկական իրականության տեղաշարժերի անշեղ մեկնաբան, սովոր ուրախանալու դրական նույնիսկ աննշան տեղաշարժերից՝ Մարուխանյանին ցավ են պատճառել հատկապես վերջին տարիներին պատմական անցյալի, ազգային արժեքների նենգափոխման ընդգծված միտումները, այն տխուր իրողությունը, որ բուրժուական վայրենի լիբերալիզմի պահանջների ճնշման ներքո կեղծվում են պատմական երևույթներն ու իրադարձությունները, քամահարանքով անցնում անցյալի ուսանելի դասերի կողքով: Ընդդեմ կեղծարարության՝ սկզբունքային, գիտական պատմականության դիրքերից գրած իր հոդվածներում («Սոցիալիզմի

դասերը», «Համաշխարհային պատմության ամենապայծառ դրվագը», «Դաշնակցությունը հայ գրականության մեծերի պատմաքննական հայացքի ներքո», «Ս. Շահումյանի պատմահասարակագիտական ժառանգության արդիական խորհուրդը», «Անկախության հիմնահարցը և գլոբալիզացիան», «Ս. Պետերբուրգի դերը հայերի կյանքում», «Բարեկամության և եղբայրության մասին 1921 թ. մարտի 16-ի ռուս-թուրքական պայմանագրի իսկական դեմքը», «Ռուսաստանը և Հայկական հարցը», «Հայ ժողովրդի ողբերգությունը ռուս գրական գործիչների գնահատմամբ») և բազում այլ հրապարակումներում հեղինակը բարձր է պահում պատմա-հրապարակախոսության պատիվը:

2013 թ. հրատարակվեց Ն. Սարուխանյանի «Հայ պատմագիտությունը XIX դարում և XX դարասկզբին» խորագրով մենագրությունը, որը նշանակալի ներդրում է հայագիտության մեջ: Գրքում լայնությամբ և խորությամբ ցույց է տրվում, որ անկախ քաղաքական հայացքներից, իրենց ստեղծագործություններում ազգային շահին ծառայելուն էին հետամուտ հայ պատմագրության նոր ժամանակաշրջանի բոլոր հեղինակները՝ Մ. Էմինն ու Ղ. Ալիշանը, Ա. Գաբազանյանն ու Զ. Պատկանյանը, Մ. Օրմանյանն ու Լեոն, Ալ. Երիցյանն ու Գր. Խալաթյանը, Ն. Ադոնցը, Ալ. Ջիվեղեզովը: Այս մասին գրքի հեղինակը հանգամանորեն պատմում է «Հայ նոր պատմագիտության երախտավորները» ակնարկաշարում:

Ուշագրավ է «Ակադեմիկոս Աշոտ Հովհաննիսյանի պատմագիտական ժառանգությունը» վերջերս լույս տեսած գիրքը, որտեղ համատեղված են XX դ. մեծ գիտնականի կյանքն ու գործը: Մեծ պատմաբանի վաստակն ու մտքի խորությունն այս մենագրության մեջ բացահայտվում և արժեւորվում են ինքնատիպ ու փայլուն վերլուծությամբ, հույժ ուսանելի ընդհանրացումներով: Գիտական պաղարյուն դատողություններն այստեղ զուգակցվում են ուսուցչի նկատմամբ խորին ակնածանքով, որ անկրկնելի հմայք է տալիս գրքին:

Հոբելյանին նվիրված մեր խոսքի ավարտին ցանկանում ենք կարևորել բարոյական այն բարձր նկարագիրը, որ նրան ուղեկցել է ողջ կյանքի ընթացքում: Լավն ու գեղեցիկը կրող և դրանք սատարող Նորայր Սարուխանյանին ցանկանում ենք առողջություն և նրանից ակնկալում մեր պատմագիտական գրականությունը հարստացնող նորանոր արժեքներ, որին մշտապես պատրաստ է նրա ստեղծագործ միտքը:

ՄԱՐՈՒՔՅԱՆ Ա. Յ.

Պատմական գիտությունների թեկնածու